

四庫全書

子部

欽定四庫全書

冊府元龜卷二百六十二 宋 王欽若等 撰

宗室部

總序

古者糾合宗族所以展親建立子孫用為夾輔故能庇於本根謂之藩屏分以寶玉禮之脈燔故孝悌之道達骨肉之恩厚焉雖復商周已往典籍靡全然其大抵亦可槩見昔者黃帝二十五子凡一十四姓故其裔緒後

世尤盛高陽氏生一子後世有才子八人是曰八凱高辛氏生四子皆有天下後世有才子八人是曰八元又黃帝之後有驩兜少昊之後有共工顓頊之後有鯀雖帝者之胄而其德不類焉堯有庶子九人舜亦有庶子其嫡子不立故庶子之封爵無聞焉然自黃帝以迄舜禹皆同姓而異號則其宗枝盛矣禹之後以國為氏者凡十有三人蓋夏后氏有扈氏有男氏斟尋氏彤城氏褒氏費氏杞氏郟氏辛氏冥氏斟氏戈氏焉其孫太康

有弟五人號曰五觀即夏書所謂五子之歌者也湯之
後以國為氏者凡七蓋商氏來氏宋氏空桐氏穉氏北
殷氏目夷氏焉其後帝乙正妃生三子微子微仲紂也
庶妃生一子箕子也紂生一子武庚也紂雖失國武庚
雖不祀而微子箕子皆聞於周焉周初封國八百而同
姓者五十有餘國詩謂周文王則百斯男經史所載正
妃大妣之子十人餘莫可知其國存者十六而已文武
周公之胄分封而受國者即左氏所謂管蔡郕霍魯衛

毛昞郃雍曹滕畢原鄆郇文之昭也邗晉應韓武之穆也凡蔣邢茅胙祭周公之裔也秦氏分封以國為姓有徐氏邲氏莒氏終黎氏運奄氏菟裘氏將梁氏黃氏江氏修魚氏白寘氏蜚廉氏始皇并有天下而子弟不得封建長子扶蘇及諸公子將閭昆弟皆為胡亥所殺故其祚殲焉漢制非劉氏不王皇子封王金璽蓋綬掌治其國高祖尊王子弟大啓九國連城數十景帝用晁錯削地之謀而吳楚七國皆叛及七國既誅五年乃令諸

侯王不得治國又以諸侯王疆土過制或僭差失軌而子弟為匹夫輕重不相準於是制詔諸侯王或欲推恩分子弟邑者令各條上自是支庶畢侯矣然而藩國自析其後皇子始封者大國不過十餘城至於哀平之際皆繼體苗裔宗屬疎遠不為士民所尊勢與富室亡異後漢皇子為王皆安車朱班輪青蓋畫幡文輶金塗故名曰王青蓋車赤綬四采長二丈一尺三百首皇孫綠蓋車名曰皇孫車諸侯王法官屬傅相已下皆備鹵簿似

京都官騎張弓帶鞬避避出入稱課促封者受茅土歸
立社稷為宮室其列侯以肺腑在京都者亦隨時見食
位在博士議郎謂之猥侯諸王皆就封東平王蒼以明
帝母弟為驃騎大將軍輔政後亦罷歸國其餘宗室以
才能為公卿者多矣晉制諸侯王青蓋車皇孫綠蓋車
並駕三左右駢諸王有勲德者特加皂蓋車國初諸王
皆在京都咸寧中衛將軍楊珧與中書監荀勗以齊王
攸為時望所歸懼有後難同追故司空裴秀立五等封

建之旨共言於武帝以為異姓諸將居邊宜參以親戚
帝下詔議其制有司奏從制為大國次國小國非皇子
不得為王而諸王之支庶亦各以土推恩受封其大國
次國始封之王支子為公所封王之支子為侯繼承王
之支子為伯小國五千戶已上始封王之支子為子不
滿五千戶始封王之支子及始封公侯之支子皆為男
大國中國置三軍中軍二千人上下軍各千五百人次
國二軍上軍二千人下軍千人小國一軍其未之國者大

國置守土百人次國八十人小國六十人西晉諸王皆
王兵臨州以威勢相陵干戈並構隊于屠滅盖有漸爾
宋世諸王得白服裙帽出入齋閣唯太極四朝乃備朝
服孝武以南郡王義宣亂逆繇於強盛欲削弱之江夏
王義恭乃表諸省易九事有司附益凡成二十四條聽事不
得南向坐施帳并帷蕃國官正冬不得跣登國殿及夾侍國
師傳令及油戟公主王妃傳令不得朱服輦不得重扛鄣扇
不得雉尾劍不得鹿盧形槊眊不得孔省白鷲夾轂隊不得

絳襖平乘誕馬不得過二匹胡伎不得綵衣舞伎正冬著
袿衣不得粧面蔽花正冬會不得鐸舞杯柈舞長躡伎趯
舒九劔博山伎緣大幢伎五案伎自非正冬會奏舞曲不
得舞朱妃主不得著袞帶信幡非臺省官悉用絳郡縣內
史相及封內官長於其封君既非在三罷官則不復追
敬不合稱臣宜從下官而已諸鎮嘗行車前後不得過六
隊白直夾轂不在其限刀不得過銀銅為飾諸王女封
縣主諸王子孫襲封王王妃及封侯者夫人行並不得

鹵簿諸王子繼體為王者婚葬吉凶悉依諸國公侯之禮不得同皇帝皇子車輿非輶車不得油幢平乘舫皆平兩頭作露平形不得擬象龍舟悉不得朱油帳鑄不得作五花及豎筍形詔可又王之世子金印紫綬進賢兩梁冠佩山玄玉王支子為侯者食邑皆千戶南齊諸王遠遊冠玄纓並公侯同平冕各以組纓為八旒衣山龍九章纁朱綬赤黃縹紺金璽龜紐丈四中郎將晉世庶姓為之宋齊以來以處諸王而劉氏蕭氏宗室諸子皆懼非

命其傳爵土蓋亦鮮矣梁制諸王皆假金虎符第一至第五佐領使第一至第十其言曰令境內稱之曰殿下自稱曰寡人並乘通幃平乘車其有勲德者亦時皆駕皂輪車其封公侯者皆假銅虎符竹使符第一言曰教境內稱曰第下自稱寡人國相以下公文上事皆詣典書自諸王皇宗並青傘朱裏此雖云梁制然江右相承有自來矣陳因梁制有親王嗣王藩王之別親王起家則為侍中皇太子冢嫡封王起家依諸王餘子並封公

起家中書郎諸王子并諸侯世子起家給事江左承西
晉諸王開國並以戶數相差為大小三品陳自永定訖
於禎明唯衡陽王昌特加至五千戶其餘不過二千小
國至千戶後魏皇子封王宮室立宗師州置三制刺郡
置三太守縣置三令長其一以宗望為之北齊親王位
列大司馬上多與梁制同其封內之調盡以入臺二分
食一隋制皇伯叔昆弟皇子謂之親王乘通轆車初受
冊入朝助祭親迎則服袞冕青珠九旒九章常服則遠

遊三梁冠黑介幘纁朱綬長一丈八尺二百四十首自漢而下五輅之制金象革木通得乘之但減旂章駕馬以為等級自晉親王公以下車服卑雜故不得乘馬唐制宗正寺掌九族六親之屬籍以別昭穆之序凡五等親有昇降皆立簿籍三年一遣凡大祭祀及冊命朝會之禮皇親應陪位預會者亦為宗皇弟兄皆封籍國謂之親王王之子承嫡者謂之嗣王皇太子諸子並封郡王王子承恩澤者亦封郡王諸子封郡公其嗣王郡王

及特進王子孫承襲者降封國公舊制親王食封八百戶有至千戶高宗朝以沛縣三王武后所生食封逾於

常制神龍初有封五千戶三千戶者

相王封五千戶
衛王封三千戶開

元之後明皇睦親以寧王寂長封至五千五百戶岐薛

愛弟著勲至五千戶申王家微至四千戶邠王以外枝

至一千八百戶其後皇子封王者二千戶舊以七丁為

限至是以三丁為限降封國公先是高祖受禪以天下

未定廣封宗室以威天下皇從弟及姪年始孩童數十

人皆封為郡王又文皇即位因舉宗正屬籍以問侍臣
尚書右僕射封德彝謂非至公之道於是宗室率以屬
疏降爵為郡公唯有功者封王貞觀十年又詔諸王為
代襲刺史都督俄又罷之文皇至高祖朝其親王有年
雖長而不出閣者其出閣者皆為刺史都督上佐亦有
為卿監將軍同正員開元之後有為大都護節度大使
者皆不之任以副都護副大使典其事先天之後皇子
幼則居內東宮年以漸成長乃於安國寺東附苑城同

為大宅分院居為十王宅令中官押之於夾城中起居
每日家令進膳又引詞舉工書之人入教謂之侍讀十
王謂慶忠棟鄂榮光穎永延濟蓋舉全數其後盛儀壽
陳豐鎮涼六王又就封入內宅二十五年鄂光得罪忠
繼大統天寶中慶棟又歿唯榮儀等十四王居院而府
幕列於外坊歲時通名起居而已外諸孫成長又於十
宅外置百孫院每歲幸華清宮宮側亦有十王院百孫
院宮人每院四百餘人百孫院二十四人又於宮中置

維城庫諸王月俸物納之而給用諸孫納妃嫁女亦就
十宅中太子不居於東宮但居於乘輿所幸之別院太
子亦分院而居婚嫁則同親王公主在於宗仁之禮院
天寶之末祿山犯順得明皇之子儀頴而下十一王及
扈從其餘宗室多懼於兵難然而天寶艱難之後宗室
子弟賢而立功者唯鄭王曹王子孫耳代宗大歷九年
諸王皆幼多未封建大臣奏議請封親王分領戎帥以
威天下於是皇子勝衣者盡加王爵而不出閣建中初

詔親王子弟帶開府朝秩者出就本班自先天兵興之後皇族子弟皆散棄無位或流落他縣湮沉不齒無異匹庶及德宗即位叙用枝屬公族長幼莫不悲感將有大禮必與諸父昆弟同其齋沐五代之制大約遵於唐室夫以託霄極之尊依蘿圖之盛承本枝之蕃茂膺盤石之疏封是曰君宗咸居屬籍雖親疎之節著於宗人而善惡之名紀乎惇史或以德行振或以才藝升或以悖逆廢或以荒怠黜或以猜忌擯或以至親顯並著之

簡編垂夫龜鑑見善善之有因惡惡之無爽也凡宗室部四十二門

封建

太史公稱封建之制商氏以前尚矣周監二代列爵五等三聖之法厥用垂世詩云懷德惟寧宗子維城豈徒敦叙宗黨推廣仁愛蓋欲其枝葉相持臂指易使犬牙交錯磐石彌固者爾然而俗有淳漓道或消長泥於古者未為通變故秦據勝勢專宰疆理矯枉過正蕩滅禮

義炎漢建業大啓藩垣既失厥中流濫致溢先儒之論
蓋亦多矣自茲已降或公或革究其始終隨時彊弱天
之視聽在民耳目深根忠附匪特於茲若夫展親睦族
典章優渥雖或不以德舉亦彊幹作翰之旨也

舜踐帝位封弟象為諸侯

封之有庠在零陵今庠亭是

夏少康封庶

子

史闕其名

於會稽以奉守禹之祀

周武王克商平天下封功臣昆弟於是封叔鮮於管

管在

滎陽京縣東北

封叔度於蔡二人相紂子武庚祿父治殷遺民

封叔旦於魯而相周為周公

一云封周公旦於少昊之墟曲阜是為魯公臣欽若

等曰周公留相於王子伯禽就封

封叔振鐸於曹封叔武於成封叔處

於霍

叔封季載皆少未得封

求泰伯仲雍之後得周章周章已君

吳因而封之乃封周章弟虞仲於周之北故夏虛

在河東太

陽縣是為虞列為諸侯

成王即位唐有亂周公誅滅唐成王與叔虞戲削桐葉

為珪以與叔虞曰以此封若史佚曰天子無戲言言則

史書之禮成之樂歌之於是遂封叔虞於唐

唐在河汾之東方百

里周公既誅武庚殺管叔放蔡叔而分殷餘民為二其一封微子啓於宋以續殷祀其一封康叔封於衛又封

季載於冉

臣欽若等檢左傳管蔡邶霍魯衛毛昉郟雍曹滕單原鄆郟文之昭也邶晉應韓武之穆也

凡將邾茅胙祭周公之裔也今據史記所封八國餘皆闕又封伯禽於魯曰生以養

周公死以為周公後

宣王二十二年封庶子弟友於鄭

一云母弟即鄭桓公也

考王封其弟於河南是為桓公以續周公之官職

漢高祖六年十二月詔曰齊古之建國也今為郡縣其

復以為諸侯將軍劉賈數有大功及擇寬惠修潔者王
齊荆地正月丙午韓王信等奏請以故東陽郡鄆郡吳
郡五十三縣立劉賈為荆王以碭郡薛郡郟郡三十六
縣立弟文信君交為楚王壬子以雲中鴈門代郡五十
三縣立兄宜信侯喜為代王以膠東膠西臨淄濟北博
陽城陽郡七十三縣立子肥為齊王賈高祖從父兄有
功交高祖同父弟與蕭曹等俱從高祖入武關至霸上
封文信君從入蜀還定三秦及即帝位常出入卧内高

祖廢楚王信分其地為二國立賈為荆王交為楚王先
有功也肥之母高祖微時外婦食七十餘城諸民能齊
言者皆與齊齊最為大國以海內初定子弟少感秦孤
立七藩輔故大封同姓以鎮天下

七年十二月匈奴攻代代王喜棄國自歸雒陽赦為合
陽侯立子如意為代王是年封兄子信為頡羨侯十一
年十二月封兄子濞為沛侯

正月詔曰代地居常山之北與夷狄邊趙乃從山南有

之遠數有胡寇難以為國頗取山南太原之地益屬代
代之雲中以西為雲中郡則代受邊寇益少矣王相國
通侯吏二千石擇可立為代王者燕王綰相國何等三
十三人皆曰子恒文帝名賢知溫良請立為代王都晉
陽

二月詔擇可以為梁王淮陽王者燕王綰相國何等請
立子恢為梁王子友為淮陽王罷東郡頗益梁罷潁川
郡頗益淮陽

七月詔王相國擇可立為淮南王者羣臣請立子長為
王

十二年十月詔曰吳古之建國也日者荆王兼有其地
今死亡後朕欲立吳王其議可者長沙王臣等言沛侯
濞重厚可立為吳王初黥布反高祖自將往誅之濞年
二十以騎將從破布軍高祖患吳會稽輕悍無狀王填
之諸子少乃立濞

十一月封兄子廣為德侯

二月詔諸侯王議可立為燕王者長沙王臣等臣者長沙王吳
子芮之請立子建為燕王

高后元年立惠帝後宮子強為淮陽王不疑為常山王
弘為襄城侯朝為軹侯武為壺關侯一云皆呂氏子

二年五月封楚元王子郢為下邳侯齊悼惠王子章為
朱虛侯

六年四月封齊悼惠王子興居為東牟侯

七年正月立營陵侯劉澤為琅邪王澤高祖從祖昆弟

文帝元年十二月立趙幽王子遂為趙王徙琅邪王澤為燕王呂氏所奪齊楚地皆歸之二年三月有司請立

皇子為諸侯王詔曰前趙幽王幽死朕甚憐之已立其

太子遂為趙王遂弟辟疆

辟疆言辟禦強梁者一云辟疆言開土地也衛侯朝于周

周行人問其名衛侯曰辟疆行人還之曰啟疆天子及之號也諸侯弗得用更其名曰燧其義兩說並通

齊悼惠王朱虛侯章東牟侯興居有功可王乃遂立辟疆為河間王章為城陽王興居為濟北王因立皇子武為代王參為太原王揖為梁王

四年九月封齊悼惠王子十人為列侯

罷軍為管侯寧國為丘侯信

都為營平侯安為楊丘侯將閭為楊虛侯辟光為勃侯志為安都侯印為平昌侯賢為武成侯雄渠為白石侯

八年五月封淮南厲王長子四人為列侯

安為阜陵侯勃為安陽侯

賜為陽周侯良為東城侯

十六年五月立齊悼惠王子六人

安都侯志為濟北王勃侯辟光為濟南王

武城侯賢為菑川王平昌侯印為膠西王白石侯雄渠為膠東王

淮南厲王子三人

阜陽侯安為淮南王安陽侯勃為衡山王陽周侯賜為廬江王

皆為

王

景帝元年四月封元王寵子五人禮為平陸侯富為休

侯歲為沈猶侯

王子侯表屬千乘高苑

執為宛胸侯調為棘樂侯

二年三月立皇子德為河間王闕為臨江王餘為睢陽

王非為汝南王彭祖為廣川王發為長沙王發母唐姬

故程姬侍者景帝召程姬程姬有所避不願進

謂月事

而

飭侍者唐兒使夜進上醉不知以為程姬而幸之遂有

身已乃覺非程姬也及生子因名曰發

長沙王生乃發寤已之繆幸唐

妃以其母微無寵故王卑濕貧國

三年立皇子端為膠西王勝為中山王是年吳楚反膠
西王蓄川濟南發兵應圍齊孝王將閭急陰與三國通
漢將欒布擊破三國兵齊孝王懼飲藥自殺帝以為齊
首善以迫劫有謀非其罪也召立孝王太子壽是為懿
王衡山王勃堅守無二心吳楚破來朝帝勞苦之曰南方
卑濕徙王於濟北以褒之

中元二年四月封故皇子越為廣川王寄為膠東王
五年五月立皇子舜為常山王封梁孝王子買為乘氏


侯明為垣邑侯

六年四月梁孝王薨竇太后泣極哀不食帝哀懼不知

所為與長公主計之迺分梁為五國盡立孝王子男五

人為王

乘氏侯買為梁王垣邑侯明為濟川王彭離為濟東王定為山陽王不識為濟陰王



冊府元龜卷二百六十二

欽定四庫全書

子部
冊府元龜卷二百六十三
四

詳校官中書臣王鵬

員外郎臣牛稔文覆勘

總校官庶吉士臣何思鈞

校對官助教臣黃昌祺

謄錄監生臣任兆炯

欽定四庫全書

冊府元龜卷二百六十三

宋 王欽若等 撰

宗室部

封建第二

漢武帝元光五年正月封河間獻王子明為滋侯

六年七月封長沙定王子蒼為安誠侯成為宜春侯黨
為勾容侯福為容陵侯

九月封楚安王子成為杏山侯不害為浮丘侯

元朔元年十月封魯恭王子將節為廣戚侯

十二月封江都易王子敢為丹陽侯蒙之為盱眙侯

正月封江都易王子胥行為胡敦侯纏為秣陵侯定國為淮陵侯

二月封梁恭王子仁為張梁侯

五月封菑川懿王子代為龍丘侯錯為劇原侯高遂為懷昌侯賞為平望侯始昌為臨衆侯寬為菑魁侯胡為益都侯疆為平的侯黑為劇魁侯守為壽梁侯行為平

度侯偃為宜城侯奴為臨朐侯封城陽共王弟豨為雷
侯子吉為東莞侯壯為辟土侯六月封趙敬肅王子丙
為尉文侯胡陽為封斯侯受福為榆丘侯建為襄噉侯
仁為邯鄲侯義為朝節侯遺為東城侯蒼為陰城侯中
山靖王子忠為廣望侯朝平為將梁侯未央為新館侯
貞為陸城侯嘉為新處侯

二年十月封廣川惠王子嘉為蒲領侯明為西熊侯晏
為棗彊侯嬰為畢梁侯河間獻王子殷為旁光侯勻為

距陽侯退為萁節侯豫為阿武侯免為參戶侯禁為州
卿侯禮為平城侯順為廣侯讓為蓋胥侯濟北貞王
子不害為陰安侯騫為滎關侯何為周望侯則為陪繆

侯信為前侯

前或作蔽

樂為安陽侯濟北式王子曜丘為五

據侯龍為富侯遂為平侯成為羽康侯楚為胡毋侯

正月封代恭王子綰為離石侯順為邵侯嘉為利昌侯

罷軍為蘭侯賢為臨河侯忠為隰成侯郢容為士軍侯

遷為臯琅侯遇為千章侯

三月封齊孝王子就為博陽侯魯恭王子恬為寧陽侯
政為瑕丘侯順為公丘侯驕為郁根侯敬為西昌侯中
山靖王子義為陸地侯趙敬肅王子順為邯平侯

四月封趙敬肅王子昌為武始侯賀為象氏侯平為易
安侯

四年三月封長沙定王子童為路陵侯則為攸輿侯訢
為茶陵侯拾為建成侯丹為安眾侯喜為葉平侯城陽
恭王子嬰為利鄉侯釘為有利侯慶為東平侯記為運

平侯齒為山州侯福為海常侯寬為騶丘侯貞為南城侯表為廣陵侯臯為杜原侯

四月封中山靖王子光為臨樂侯章為東野侯喜為高平侯頤為廣川侯河間獻王子擔為重侯齊孝王子燕為被陽侯越為定敷侯定為稻夷侯國為山原侯忠為繁安侯陽已為柳康侯信為雲夷侯滌為牟平侯代為柴原侯

五年十一月封趙敬肅王子終古為栢暢侯延平為歆

安侯

三月封中山靖王子將夜為乘丘侯破胡為高丘侯蓋為柳宿侯讓為戎丘侯修為樊輿侯恢為安道侯長沙定王子義為夫夷侯

六月封長沙定王子買為舂陵侯定為都梁侯狩燕為洮陽侯賢為衆陵侯

六年四月封衡山賜王子廣置為終弋侯

元狩二年七月封膠東王寄少子慶為六安王

六年三月乙亥御史臣光守尚書令丞非下御史書到
言丞相臣青翟御史大夫臣湯太常臣充大行令臣息
太子少傅臣安行宗正事昧死上言大司馬去病上疏
曰陛下過聽使臣去病待罪行間宜專邊塞之思慮暴
骸中野無以報乃敢惟他議以干用事者誠見陛下憂
勞天下哀憐百姓以自忘虧膳貶樂損郎員皇子賴天
能勝衣趨拜至今無號位師傅官陛下恭讓不卹羣臣
私望不敢越職而言臣竊不勝犬馬之心昧死願陛下

詔有司因盛夏吉時定皇子位唯願陛下幸察制曰可
下御史臣謹與中二千石臣賀等議古者裂地立國並
建諸侯以承天子所以尊宗廟重社稷也今臣去病上
疏不忘其職因以宣恩乃道天子卑讓自貶以勞天下
慮皇子未有號位臣青翟臣湯等宜奉議遵職愚忤而
不達事方今盛夏吉時臣青翟臣湯等昧死請立皇子
臣闕一作開臣旦臣胥為諸侯王昧死請所立國名制曰
蓋聞周封八百姬姓並列或子男附庸禮支子不祭云

並建諸侯所以重社稷朕無聞焉且天非為君生民也朕之不德海內未洽乃以未教成者彊君連城即股肱

何勸

一作敦一作觀也

其更議以列侯家之丙子奏未央宮

丞相臣青翟御史大夫臣湯昧死言臣謹與列侯臣嬰中二千石臣賀諫議大夫博士臣安等議曰伏聞周封八百姬姓並列奉承天子康叔以祖考顯而伯禽以周公立咸為建國諸侯以相傳為輔百官奉憲諸侯各遵其職而國統備矣竊以為並建諸侯所以重社稷者四

海諸侯各以其職奉貢祭支子不得奉祭宗祖禮也封建使守藩國帝王所以扶德施化陛下奉承天統明開聖緒尊賢顯功興滅繼絕續蕭文終之後於鄴褒厲羣臣平津侯等昭六親之序明天施之屬使諸侯王封君得推私恩分子弟戶邑錫號尊建百有餘國而家皇子為列侯則尊卑相踰列國失序不可以垂統於萬世臣請立臣闕臣旦臣胥為諸侯王三月丙子奏未央宮制曰康叔親屬有十而獨尊者褒有德也周公祭天命郊

故魯有白牡駢剛之牲

魯祭周公用牲白牡魯公用駢剛白牡殷牲也駢剛赤脊周牲

也羣公不毛

不毛不純色也

賢不肖差也高山仰之景行嚮之

朕甚慕焉所以抑未成家以列侯可臣青翟臣湯博士

臣將行等伏聞康叔親屬有十武王繼體周公輔成王

其八人皆以祖考之尊建為大國康叔之年幼周公在

三公之位而伯禽據國於魯蓋爵命之時未至成人康

叔後扞祿父之難伯禽殄淮夷之亂昔五帝異制周爵

五等春秋三等

春秋變周之文從殷之質合伯子男以為一則殷爵三等者公侯伯也

皆

因時而序尊卑高皇帝撥亂世反諸正昭至德定海內
封建諸侯爵位二等皇子或在襁褓而立為諸侯王奉
承天子為萬世法則不可易陛下躬親仁義體行聖德
表裏文武顯慈孝之行廣賢能之路內褒有德外討彊
暴極臨北海西湊月氏匈奴西域舉國奉師輿械之費
不賦於民虛御府之藏以賞元戎開禁倉以賑貧窮減
戍卒之半百蠻之君靡不嚮風承流稱意遠方殊俗重
譯而朝澤及方外故珍獸至嘉穀興天應甚彰今諸侯

支子封至諸侯王而家皇子為列辟臣青翟臣湯等竊
伏熟計之皆以為尊卑失序使天下失望不可臣請立
臣閔臣旦臣胥為諸侯王癸未奏未央宮留中不下丞
相臣青翟大僕臣賀行御史大夫事太常臣充太子少
傅臣安行宗正事昧死言青翟等前奏大司馬臣去
病上䟽言皇子未有號位臣謹與御史大夫臣湯中二
千石諫議大夫博士臣慶等昧死請立皇子臣閔等為
諸侯王陛下讓文武躬自切及皇子未教羣臣之議儒

者稱其術或諄其心陛下固辭不許家皇子為列侯臣

青翟等竊與列侯臣壽成

蕭何之玄孫鄼侯壽成後為太常也

等二十七

人議皆曰以為尊卑失序高皇帝建天下為漢太祖王

子孫廣支輔先帝法則弗改所以宣至尊也臣請令史

官擇吉具禮儀上御史奏輿地圖他皆如前故事制曰

可丙申奏未央宮大僕臣賀行御史大夫事昧死言太

常臣充言卜入四月二十八日乙巳可立諸侯王臣昧

死奏輿地圖請所立國名禮儀別奏臣昧死請制曰立

皇子闕為齊王旦為燕王胥為廣陵王四月丁酉奏未央宮六年四月戊寅朔癸卯御史大夫湯下丞相下中二千石郡太守諸侯相丞書從事下當用者如律令三王同日立皆賜策各以國土風俗申戒焉齊懷王賜策曰惟元狩六年四月乙巳皇帝使御史大夫湯廟立子闕為齊王曰嗚呼小子闕受茲青社

王者以五色土為太社封四方諸侯

各以其方色土與之
苴以白茅歸以立社

朕承天序惟稽古建爾國家封

於東土世為漢藩輔嗚呼念哉共朕之詔惟命不於常

人之好德克明顯光義之不圖俾君子怠恣爾心允執

其中天祿永終厥有愆不臧迺凶於而國害於爾躬

嗚呼保國又民可不敬與王其戒之閔王夫人之子夫
人趙人與衛夫人

並幸閔且立為王其母病武帝自臨問之曰子當為王
欲安所置之王夫人曰陛下在妾又何等可言者帝曰

雖然意所欲於何王之王夫人曰願置之雒陽武帝曰
雒陽有武庫教倉天下衝阨漢國之大都也先世以來

無子王於雒陽去雒陽餘盡可王夫人不應武帝曰關
東之國無大於齊齊東負海而城郭大古時獨臨菑中

十萬戶天下膏腴地莫盛於齊齊者矣王夫人以手擊頭
謝曰幸甚王夫人死帝痛之使使者拜曰皇帝謹使使

大中大夫明奉璧一燕刺王旦賜策曰嗚呼小子旦受

賜夫人為齊王太后

茲立社建爾國家封於北土世為漢藩輔嗚呼薰鬻氏
虐老獸心以姦巧邊吐朕命將帥徂征厥罪萬夫長千
夫長三十有二帥降旗奔師薰鬻徙域北州以安悉爾
心毋作怨毋作桀德桀古匪字也匪非也毋乃廢備非教士不得
從徵王其戒之廣陵厲王胥賜策曰嗚呼小子胥受茲
赤社建爾國家封於南土世為漢藩輔古人有言曰大
江之南五湖之間其人輕心揚州保疆三代要服不及
以正嗚呼悉爾心祇祇兢兢乃惠乃順毋侗好逸毋遁

宵人

宵人輕脫之貌

惟法惟則書云臣不作福不作威靡有後

羞王其戒之

元鼎元年四月封城陽頃王子昌為麥侯發為鉅合侯

差為昌侯方為箕侯澤為虜葭侯敢為原雒侯昆景為

挾衍侯霸為挾釐侯讓為初侯光為文成侯雲為較靖

侯餘為庸侯壽為翟侯應為鱣侯疆為彭侯息為瓠侯

禹為虛水侯類為東淮侯賢為拘侯不疑為涓侯

七月封菑川靖王子何為陸元侯國為廣饒侯成為鉗

侯毋害為俞閭侯廣川繆王子聖為襄隄侯

四年常山王勃廢月餘以最親詔有司常山憲王早夭
后妾不知適孽誣爭陷於不義以滅國朕甚閔焉其封
憲王子平三萬戶為真定王子商三萬戶為泗水王

元封元年五月封膠東康王子建為臯虞侯昌為魏其

侯延年為祝茲侯

臣欽若等曰時武帝封齊孝王子為
高乘侯失其名廣川惠王子則為參

驩侯喜為沂陵侯河間獻王

王子自為沈陽侯失年月

天漢四年六月封皇子髡為昌邑侯

征和元年封趙敬肅王子樂為栗侯周舍為汶侯起為

猗侯道為柳裴侯

臣欽若等曰時武帝又封趙敬肅王子寬為漳北侯佗為南嶽侯慶為南

陵侯丹為鄆侯福為安檀侯當為爰成侯失年月

二年三月封中山靖王子屈釐為彭侯

昭帝始元五年六月封六安恭王子霸為松茲侯膠東

辰王子安國為溫水侯魯安王子臨朝為蘭旗侯方山

為容丘侯文德為良成侯

六年五月封清河綱王子祿為蒲領侯遷為南曲侯長

沙頃王子梁為高城侯

元鳳五年十一月封中山康王子喜為成侯廣川膠王子吉為新市侯

六年十一月封城陽惠王子仁為江陽侯

宣帝本始元年七月詔立燕刺王太子建為廣陽王立廣陵王胥少子弘為高密王封廣陵厲王子聖為朝陽侯曾為平曲侯昌為南利侯燕刺王子賢為安定侯

三年四月封廣川繆王子寬為東襄侯

四年二月封中山康王子章為宣處侯

四月封清河綱王子寅為修市侯成為東昌侯豹為新鄉侯福為修故侯弘為東陽侯

五月封燕刺王子慶為新昌侯

地節三年四月封趙頃王子偃為邯菴侯說為樂陽侯廣漢為桑中侯嵩為張侯河間獻王子雍為景成侯招為平隄侯佟為樂鄉侯曤為高郭侯

四年二月封膠東戴王子光為樂望侯饒為成鄉侯強

為柳泉侯

元康元年正月封長沙頃王子延年為復陽侯度為鍾武侯梁為高城侯

二年三月封六安夷王子賜為富陽侯

四月封昌邑哀王子賀為海昏侯

七月封平干頃王子敬為曲梁侯

三年四月立皇子欽為淮陽王

四年三月封貞定烈王子宣為遼鄉侯

神爵元年四月封膠東戴王子偃為新利侯

三年四月封廣川繆王子強為樂信侯元為昌成侯

七月封平千頃王子明為廣鄉侯慶為成鄉侯

四年三月封平千頃王子世為平利侯玉為平鄉侯梁為平纂侯充為成陵侯廣川戴王子闢兵為西梁侯

七月封廣川膠王子必勝為歷鄉侯平千頃王子田為

陽城侯

五鳳元年四月封平千頃王子仁為祚陽侯

七月封廣川繆王子朝為武陶侯

十二月封河間孝王子昌為陽興侯

甘露元年三月封中山頃王子安為利鄉侯

二年正月立皇子囂為定陶王

七月封趙頃王子景為都鄉侯

九月立皇子宇為東平王

四年二月封魯孝王子弘為昌慮侯

閏月封魯孝王子敞為平邑侯綰為山鄉侯遂為建陵

侯平為合陽侯強為東安侯當為城鄉侯咸為建陽侯
十一月封城陽惠王子休為高鄉侯城陽荒王子弘為
茲鄉侯顯為藉陽侯丘為都平侯山為棗原侯文為箕
侯勳為高廣侯佼為卽來侯

元帝初元元年三月封高密哀王子漢為膠鄉侯廣川
繆王子良為桃侯長沙孝王子習為安平侯宗為陽山
侯城陽荒王子談為庸侯光為昆山侯根為折泉侯淵
為博石侯勝為要安侯勇為房山侯憲為式侯

五年六月封廣陽頃王子雲為陵鄉侯容為西鄉侯

永光三年三月立皇子康為濟南王是月封廣陽頃王子嬰為益昌侯膠東頃王子回為羊石侯理為石鄉侯根為新城侯歛為上鄉侯泗水勤王子定為于鄉侯瑋就鄉侯城陽戴王子玄為石山侯音為都陽侯嗣為參封侯遷為伊鄉侯

五年三月封廣陽厲王子豐為襄平侯

建昭元年五月封梁敬王子平為賞鄉侯義為樂侯延

年為中鄉侯罷軍為鄭侯順為黃侯遷為平樂侯就為
菑鄉侯方為東鄉侯訖為陵鄉侯欽為溧陽侯固為釐
鄉侯發為高柴侯未央為臨都侯舜為高質侯

二年六月立皇子與為信都王

陽朔二年徙
為中山王也

四年六月封菑川孝王子譚為北鄉侯

五年十二月封廣陵孝王子宜為蘭陵侯德為廣平侯
竟寧元年四月封六安繆王子交為博鄉侯趙哀王子
買為柏鄉侯喜為安鄉侯菑川孝王子便為廣釐侯服

為平節侯

成帝建始二年正月封膠東頃王子憲為昌鄉侯恭為
順陽侯獲為樂陽侯邑為平城侯林為密鄉侯訢為樂
都侯高密頃王子都為卑梁侯恁為膠陽侯慶為武鄉
侯安為成鄉侯賜為麗茲侯河間孝王子强為竇梁侯
河平三年二月封楚孝王子勲為廣戚侯
陽朔二年正月封楚孝王子回為陰平侯
閏六月封淮陽憲王子訢為樂平侯

四年四月封魯頃王子閔為郟鄉侯康為建鄉侯

鴻嘉元年正月封高密頃王子常為安丘侯

四月封東平思王子護為栗鄉侯頃為桑丘侯

二年正月封東平思王子宣為桃鄉侯

五月封魯頃王子永為新陽侯

四年六月封膠東恭王子慶為陵石侯

永始二年五月封梁夷王子賢為祁鄉侯

三年三月封東平思王子萌為富陽侯

六月封梁荒王子鳳為曲鄉侯

四年五月封城陽孝王子欽為桃山侯

是月封泗水戾王子霸為昌陽侯膠東恭王子閔為臨安侯

元延元年二月封膠東恭王子炅為徐鄉侯

二年正月封菑川孝王子畛為臺鄉侯

四月封東平思王子並為西陽侯

綏和元年正月封膠東恭王子恢為堂鄉侯

六月封趙恭王子吉為安國侯交為梁鄉侯福為襄鄉侯強為容鄉侯固為緇鄉侯河間孝王子賀為廣昌侯普為都安侯永為樂平侯廣陽惠王子常得為方鄉侯是年七月封六安頃王子宰為庸鄉侯

哀帝建平二年五月封河間惠王子宇為南昌侯東平煬王子信為嚴鄉侯璜為武平侯

四年三月封楚思王子曾為陵鄉侯愷為武安侯

五月封長沙王子昌為湘鄉侯

元壽元年五月封廣陽繆王子嘉為方樂侯

二年四月封河間孝王子得為宜禾侯玄為富春侯

平帝元始元年二月封東平煬王子恢為陶鄉侯褒為
釐鄉侯旦為昌鄉侯鯉為新鄉侯楚思王子光為郿鄉
侯武為新城侯豐為宜陵侯護為堂鄉侯繇為成陵侯
眾為成陽侯休為復昌侯平為安陸侯譽為梧安侯充
為朝鄉侯普為扶鄉侯淮陽憲王孫並為高陽侯寵為
平陸侯東平思王子不害為金鄉侯旦為平通侯昌為

西安侯開為湖鄉侯少為重鄉侯寄生為陽興侯嘉為
陵陽侯修為高樂侯閔為平邑侯况為平纂侯輔為合
昌侯開為伊鄉侯不害為就鄉侯武為膠鄉侯恢為宜
鄉侯豈為昌城侯禹為樂安侯

臣欽若等曰東平思王
孫內名開及不害者各

有二人必
有一誤

二年四月封廣陽繆王子宣為方城侯廣思王子益為
當陽侯建為廣城侯東平煬王子允為春城侯

五年閏月封長沙刺王子賞為昭陽侯景為承陽侯真

定共王子廣為信昌侯楚思王子尚為呂鄉侯殷為李鄉侯隆為宛鄉侯承為壽泉侯遵為杏山侯

後漢光武建武二年四月封叔父良為廣陽王兄子章

為太原王兄續之子章弟興為魯王春陵侯敞子祉為城陽

王敞光武族兄也

五月封更始元氏王歙為泗水王歙光武族父歙子侍中終

為淄川王故真定王楊子德為真定王是歲封族兄賜為慎侯順為成武侯順叔父宏子敏為甘泉侯國為弋

陽侯泗水王歆從父弟茂為中山王

茂漢兵之起自稱厭新將軍攻下潁

川汝南衆十餘萬人降光武故封之

正為宜春侯五年徙廣陽王良為趙

王

十年封泗水王歆子輝為堂谿侯淄川王終子鳳為曲

陽侯

十三年封族兄嘉為順陽侯城陽恭王祉子平為蔡陽侯堅為高鄉侯徙慎侯賜為安城侯又封順陽侯嘉子廡為黃李侯更封中山王茂為穰侯

十五年三月以大司馬吳漢上書請封皇子不許重奏
連歲乃詔羣臣議大司空融固始侯通膠東侯復高密
侯禹太常登等奏議曰古者封建諸侯以藩屏京師周
封八百同姓諸姬並為建國夾輔王室尊事天子享國
永長為後世法故詩云大啟爾宇為周室輔高祖聖德
光有天下亦務親親封立兄弟諸子不違舊章陛下德
橫天地興復宗統褒德賞勲親睦九族功臣宗室咸蒙
封爵多受廣地或連屬縣今皇子賴天能勝衣趨拜陛

下恭謙克讓抑而未議羣臣百姓莫不失望宜因盛夏
吉時定號位以廣藩輔明親親尊宗廟重社稷應古合
舊厭塞衆心臣請大司空上輿地圖太常擇吉日具禮
儀制曰可四月戊申以太牢告祠宗廟丁巳使大司空
融告廟封皇子輔為右翊公英為楚公陽為東海公康
為濟南公蒼為東平公延為淮陽公荆為山陽公衡為
臨淮公馮為左翊公京為琅邪公是年徙凡太原王章
為齊王

十七年十月進皇子右翊公輔為中山王食常山郡其餘九國公皆即舊封進爵為王

十九年六月詔曰春秋之義立子以貴東海王陽皇后之子宜承大統皇太子疆崇執謙退願備藩國父子之情重久違之其以疆為東海王

二十年六月徙封中山王輔為沛王

二十八年徙魯王興為北海王

三十年四月徙左翊王馬為中山王是年封趙節王栩

三子為鄉亭侯齊哀王章子張為下博侯北海王子復為臨邑侯又封安城侯子嵩為白牛侯

中元二年封沛王輔子寶為沛侯魯王興二子為縣侯濟南王康子德為東武成侯

明帝永平元年封沛王輔子嘉為僮侯東平王蒼子二人為縣侯

三年四月封皇子建為千乘王羨為廣平王

七年徙廣平王羨為西平王

八年封阜陵質王魴弟十二人為鄉亭侯

十年封成武侯順弟子三人為鄉亭侯

十一年遣使手詔東平王蒼國中傅曰日者問東平王處家何等最樂王言為善最樂其言甚大副是要腹矣今送列侯印十九枚諸王子年五歲已上能趨拜者皆令帶之

十四年封廣陵思王子元壽為廣陵侯服王璽綬食荆故國又封元壽弟三人鄉亭侯

十五年四月封皇子恭為鉅鹿王黨為樂成王衍為下邳王暢為汝南王炳為常山王長為濟陰王

十六年七月淮陽王延徙封阜陵王

十八年徙西平王羨為陳王是年封北海王基二弟為縣侯二弟為鄉侯

章帝建初二年封楚王英子楚侯种後徙封陸侯五弟皆為

列侯並不得置相臣吏人又封趙王栩十子為鄉亭侯四年二月徙鉅鹿王恭為江陵王汝南王暢為梁王常

山王昞為淮陽王封皇子伉為千乘王全為平春王

七年六月廢皇太子慶為清河王徙廣平王羨為西平

王封琅邪夷王宇弟十三人為列侯

元和元年四月分東平國封憲王蒼子尚為任城王餘

五人為列侯是年封琅邪孝王孫二人為列侯

二年五月徙江陵王恭為六安王是年封沛釐王定弟

十二人為鄉侯

章和二年徙封六安王恭為彭城王

和帝永元二年五月分太山為濟北國分樂城涿郡渤海
為河間國封皇弟壽為濟北王開為河間王叔為城陽王
三年封趙王栩三子為亭侯

四年封中山王憲弟十二人為列侯

五年正月封皇弟萬歲為廣宗王

八年封阜陵王魴弟十二人為鄉亭侯

十年封東平憲王蒼孫梁為祿陽亭侯孝王敞弟六人
為列侯

十一年封濟南簡王錯第七人為列侯

十二年封陳王鈞六弟為列侯

蕃為陽都鄉侯千秋為新平侯參為周亭侯壽

為樂陽亭侯寶為博平侯旦為高亭侯

十四年封任城王安母弟福為桃鄉侯

十六年封東海頃王肅弟二十一人為侯梁恭王堅弟

二人為鄉亭侯

元興元年封趙頃王商四子為鄉亭侯沛王正第十一

人為縣侯

殤帝延平元年封和帝長子勝為平原王

安帝永初元年三月分清河國封清河孝王慶弟常保為廣川王是年封琅邪恭王壽弟八人為列侯

二年封濟南孝王香弟四人為列侯

三年封樂安王寵子延平為清河王

四年封任成王安弟元為當塗鄉侯

六年封彭城王恭子阿奴為竹邑侯

七年封陳敬王孫安國為耕亭侯

元初五年封彭城考王道弟三人為鄉亭侯

丙為都鄉侯
國為安鄉侯

丁為魯陽鄉侯趙惠王乾二弟為鄉亭侯

永寧元年封濟北節王登弟五人為鄉侯皆別食太山
邑又封中山孝王宏弟為鄉亭侯

延光元年封河間王開子得為安平王

二年封琅邪貞王尊弟四人為鄉亭侯

三年封阜陵王恢兄弟五人為鄉亭侯北海王睦少子

為鄉亭侯

順帝永建元年封下邳貞王成兄弟二人及惠王衍孫二人皆為列侯

二年封梁懷王正兄弟七人為鄉亭侯東海孝王臻二弟敏儉為鄉侯淮王儀兄二人為鄉亭侯

五年封濟南王廣弟文為樂城亭侯

陽嘉元年封河間惠王政弟十三人皆為亭侯下邳愍王意弟八人為鄉亭侯

永和四年立戰鄉侯安國為濟北王

五年封琅邪安王攄弟三人為鄉亭侯

六年封中山穆王暢弟荆為南鄉侯

質帝本初元年封彭城頃王定兄弟九人及趙惠王乾

一子濟北孝王次弟猛皆為鄉亭侯

弘農王光熹元年封淮陽節王豹兄四人為鄉亭侯

獻帝建安十六年九月庚戌立皇太子熙為濟陰王懿

為山陽王邈為濟北王敦為東海王

十八年徙封趙王珪為博陵王

魏樂城侯洪太祖從弟漢末封國明亭侯文帝即位進封野王侯邑二千一百戶明帝時更封樂城侯

長平侯休太祖族子文帝即王位封東陽亭侯黃初中進封安陽鄉侯明帝時更封長平侯邵陵侯真太祖族子漢末封靈壽亭侯文帝即位進封東鄉侯明帝時更封真薨五子義訓則彥皚弟彬皆為列侯

任城王彰太祖子漢末封鄆陵侯黃初二年進爵為公三年立為任城王彰薨子楷嗣徙封中牟五年改封任

城縣大和六年復改封任城國食五縣二千五百戶

陳思王植太祖子漢末封平原侯又徙封臨菑侯黃初二年除封鄆城侯三年立為鄆城王邑二千五百戶四年徙封雍丘王太和元年徙封浚儀二年復還雍丘三年徙封東阿太和五年冬詔諸王朝六年正月其二月以陳四縣封植為陳王食邑二千五百戶

彭城王據太祖子漢末封范陽侯又徙封宛侯黃初二年進爵為公三年為章陵王其年徙封義陽文帝以南

方下濕又以環太妃彭城人徙封彭城又徙封濟陰時
改封諸王為縣王據改封定陶縣太和六年改封諸王
皆以郡為國據復封彭城王景初正元中累增邑并前
四千六百戶

燕王宇太祖子漢末封都鄉侯又改封魯陽侯黃初二
年進爵為公三年為下邳王五年改封單父縣王太和
六年改封燕王景初正元中累增邑并前五千五百戶
沛穆王林太祖子漢末封饒陽又徙封譙黃初二年進

爵為公三年為譙王五年改封譙縣七年徙封鄆城太和六年改封沛景初正元中累增邑并前四千七百戶中山恭王袞太祖子漢末封平鄉侯又徙封東鄉侯其年又改封贊侯黃初二年進爵為公三年為北海王六年改封中山景初正元景元中累增邑并前三千四百戶

陳留恭王峻太祖子漢末封鄆侯又徙封襄邑黃初二年進爵為公三年為陳留王五年改封襄邑縣太和六

年又封陳留景初正元景元中累增邑并前四千七百
戶

趙王幹太祖子漢末封高平亭侯又徙封賴亭侯其年
改封弘農侯黃初二年進爵徙封燕公三年為河間王
五年改封樂城縣七年徙封鉅鹿太和六年改封趙王
景初正元景元中累增邑并前五千戶

楚王彪太祖子漢末封壽春侯黃初二年進爵徙封汝陽
公三年封弋陽王其年徙封吳王五年改封壽春縣七

年徙封白馬太和六年改封楚

樂陵王茂太祖子漢末封萬歲亭侯改封平輿侯黃初三年進爵徙封乘氏公七年徙封中山太和元年徙封聊城公其年為王詔曰昔象之為虐至甚而大舜猶侯之有庠近漢氏淮南阜陵皆為亂臣逆子而猶或及身而復國或至子而錫土有虞建之於上古漢文明章行之乎前代斯皆敦叙親親之厚義也聊城公茂少不閑禮教長不務善道先帝以為古之立諸侯也皆命賢者

故姬姓有未必侯者是以獨不王茂太皇太后數以為
言始聞茂頃來少知悔昔之非欲修善將來君子與其
進不保其往也今封茂為聊城王以慰太皇太后下流
之念正始五年徙封樂陵嘉平正元景元中累增邑并
前五千戶

北海悼王蕤文帝子黃初七年明帝即位立為陽平縣
王太和六年改封北海正元景元中累增邑三千五百
戶

東武陽懷王鑿文帝子黃初六年立

東海定王霖文帝子黃初三年立為河東王六年改封館陶縣太和六年改封東海景初正元景元中累增邑并前六千二百戶

元城哀王禮文帝子黃初二年封秦公以京兆郡為國三年改為京兆王六年改封元城王景初正元景元中累增邑并前四千五百戶

邯鄲懷王邕文帝子黃初二年封淮南公以九江郡為

國三年進為淮南王四年改封陳六年改封邯鄲景初
正元景元中累增邑并前四千四百戶

清河悼王貢廣平哀王儼並文帝子黃初三年封

明帝以黃初七年即位立皇子問為清河王

太和三年九月立皇子穆為繁陽王

青龍三年八月立皇子詢為秦王

蜀甘陵王永字公壽先主子章武元年六月使司徒靖

許靖也立永為魯王策曰小子永受茲青土朕承天序繼

統大業遵修稽古建爾國家封於東土奄有龜蒙世為
藩輔嗚呼恭朕之詔惟彼魯邦一變適道風化存焉人
之好德世茲懿美王其秉心率禮綏爾士民是饗是宜
其戒之哉建興八年改封甘陵

安平王理字奉孝先主子與永異母章武元年六月使
司徒靖立理為梁王策曰小子理朕統承漢序祇順天
命遵修典秩建爾于東為漢藩輔惟彼梁土畿甸之邦
民狎教化易道以禮往悉乃心懷保黎庶以永爾國王

其敬之哉建興八年改封安平後主延熙元年立子瑤
為安定王

十五年立子琮為西河王

十九年立子瓚為新平王

景耀二年六月立子諶為北地王恂為新興王虔為上
黨王

吳大帝黃武五年封從父弟英為沙羨侯

七年三月封子慮為建昌侯

赤烏五年八月立子霸為魯王

大元二年正月立故太子和為南陽王

和赤烏五年立為皇太子後被

廢至是封爵

居長沙子奮為齊王居武昌

廢帝五鳳中封魯王霸子甚為吳侯壹為宛陵侯

景帝永安元年十一月封太子和子德錢唐侯謙永安侯

後主皓元興元年十月封景帝太子暉為豫章王次子

汝南王次子梁王次子陳王

臣欽若等曰按吳志休四子長名暉字尚次名暉字

聿次名 鉅字 显
次名 寇字 燮

建衛元年正月立淮陽東平王

鳳凰二年九月改封淮陽為魯東平為齊又封陳留章
陵等九王凡十一王王給三千兵

天紀二年七月立成紀宣威等十一王王給三千兵
四年春立中山代等十一王

冊府元龜卷二百六十三

欽定四庫全書

冊府元龜卷二百六十四 宋 王欽若等 撰

宗室部

封建第三

晉武帝泰始元年十二月即位封皇叔祖父子為安平
王皇叔父幹為平原王亮為扶風王佗為東莞王駿為
汝陰王彤為梁王倫為琅邪王皇弟攸為齊王鑒為樂
安王幾為燕王皇從伯父望為義陽王皇從叔父輔為

渤海王晃為下邳王瓌為太原王珪為高陽王衡為常
山王景為沛王泰為隴西王權為彭城王綏為范陽王
遂為濟南王遜為譙王睦為中山王陵為北海王斌為
陳王皇從父兄洪為河間王皇從父弟琳為東平王

六年十一月立皇子東為汝南王

七年五月立皇子憲為城陽王

九年二月立皇子祗為東海王

十年十二月立太原王緝為高陽王

咸寧三年正月立皇子裕為始平王

八月徙扶風王亮為汝南王東莞王佃為琅邪王汝陰
王駿為扶風王琅邪王倫為趙王渤海王輔為太原王
太原王顥為河間王北海王陵為任城王陳王斌為西
河王汝南王東為南陽王濟南王眈為中山王河間王
咸為章武王立皇子瑋為始平王允為濮陽王該為新
都王暹為清河王

九月立齊王子玑為遼東王贇為廣漢王

大康元年八月封皇弟延祚為樂平王詔曰弟祚早孤無識情所哀愍幼得篤疾日冀其瘥今遂廢痼無復後望意甚傷之封為樂平王使有名號以慰吾心

四年二月立長樂亭侯寔為北海王

五年二月立南宮王子玷為長樂王

九年十二月立河間王洪子英為章武王

十年十一月改封南陽王東為秦王始平王瑋為楚王濮陽王允為淮南王並假節之國各統方州軍事立皇

子又為長沙王穎為成都王晏為吳王熾為豫章王皇
孫遁為廣陵王立濮陽王子廸為漢王始平王子儀為
毗陵王汝南王次子羨為西陽公徙扶風王暢為順陽
王暢弟歆為新野公琅邪王覲弟澹為東武公繇為東
安公淮為廣陵公卷為東莞公

惠帝永平元年三月進封東安公繇爵為王八月徙長
沙王又為常山王進西陽公羨爵為王

永康元年五月立皇孫尚為襄陽王

永寧元年七月立吳王晏子國為漢王八月徙南平王祥為宜都王九月封楚王瑋子範為襄陽王十二月封齊王冏子冰為樂安王英為濟陽王超為淮南王

永興二年四月封樂平王紹為齊王

光熙元年九月進東瀛公騰爵為東燕王平昌公模為南陽王

懷帝以光熙元年十一月即位十二月封彭城王植子融為樂成縣王

永嘉元年三月改封東燕王騰為新蔡王

二年十二月立長沙王乂子碩為長沙王斟為臨淮王

元帝建武元年封王子宣成公裒為琅邪王

十一月封汝南王子弼為新蔡王

大興元年十二月封顯義亭侯渙為琅邪王

成帝咸和元年十二月封皇弟岳為吳王

二年十二月徙封吳王岳為琅邪王

五年九月徙樂成王欽為河間王封彭城王紘子浚為

高密王

六年六月封彭城王植子融為樂成王章武王混子珍為章武王

康帝以咸康八年六月即位封成帝子丕為琅邪王奕為東海王

哀帝升平五年五月自琅邪王入即位詔曰朕獲承明命入纂大統顧惟先王宗廟烝嘗無主太妃喪庭廓然靡寄悲痛感摧五內抽割宗國之尊情禮兼隆裔嗣之

重義無與二東海王奕戚屬親近宜奉本統其以奕為琅邪王

宋長沙景王道憐高祖中弟進封竟陵縣公高祖受命封長沙王食邑五千戶道憐子桂陽縣侯義融永初元

年封

凡王子侯者食邑皆千戶

義融弟新渝縣侯義宗幼為高祖所愛字曰伯奴賜爵新渝縣男永初元年進爵為侯

義宗子當陽縣侯秉元徽二年封

義宗弟興安縣侯義賓元嘉二年封新野縣侯六年以
新野荒蕪改封興安

義賓弟營道縣侯義綦元嘉六年封

營浦侯遵考高祖族弟晉末為冠軍將軍高祖初即位
下推恩之詔曰遵考服屬之親國戚未遠宗室無多宜
蒙寵爵可封營浦縣侯食邑五百戶

廬陵孝獻王義真高祖子晉末封桂陽縣公食邑千戶
永初元年封廬陵王食邑三千戶

彭城王義康高祖子永初元年封食邑三千戶

江夏文獻王義恭高祖子元嘉元年封食邑五千戶孝武卽祚增封二千戶孝建元年又增封一千戶

衡陽王義季高祖子元嘉元年封衡陽王食邑五千戶南郡王義宣高祖子元嘉元年封竟陵王食邑五千戶九年以竟陵羣蠻克斥役刻民數改封南譙王孝武卽位改封南郡王食邑萬戶

始興王濬文帝第二子元嘉十三年封

南平穆王鏐字休玄文帝第四子元嘉十六年封

鏐第二子敬淵封安南縣侯

竟陵王誕字子休文帝第六子元嘉二十年封廣陵王
食邑二千戶年十一二十六年以廣陵彫弊改封隋郡
王孝武孝建初改封竟陵王食邑五千戶

建平宣簡王宏字休度文帝第七子元嘉二十一年年
十一封建平王食邑二千戶

廬江王禧字休秀文帝第八子元嘉二十二年始十歲

封東海王食邑二千戶大明五年增一千戶明帝踐祚
改封廬江

晉熙王昺字休道文帝第九子元嘉二十二年始十歲
封義陽王食邑二千戶泰始三年改封晉熙

武昌王渾字休淵文帝第十子元嘉二十四年始九歲
封汝陰王食邑二千戶後魏南侵破汝陰郡徙為武昌
王

始安王休仁文帝第十二子元嘉二十九年十歲立為

建安王食邑二千戶明帝即位後降封始安縣王晉平
王休祐文帝第十三子孝建二年年十一封山陽王食
邑二千戶明帝即位以山陽荒弊改封晉平海陵王休
茂文帝第十四子孝建二年年十一封食邑二千戶大
明二年增食邑千戶

鄱陽王休業文帝第十五子孝建二年年十一封食邑
二千戶

臨慶王休倩文帝第十六子孝建元年年九歲疾篤封

東平王食邑二千戶未拜薨太始六年追改為臨慶王
以臨賀郡為臨慶國

桂陽王休範文帝第十八子孝建二年年九歲封順陽
王食邑二千戶大明元年改封桂陽

巴陵王休若文帝第十九子孝建三年年九歲封巴陵
王食邑二千戶

豫章王子尚字孝師孝武第二子孝建二年年五歲封
西陽王食邑二千戶五年改封豫章

晉安王子勛字孝德孝武第三子大明四年年五歲封
食邑二千戶

尋陽王子房字孝良孝武第六子大明四年年五歲封
食邑二千戶

臨海王子頊字孝烈孝武第七子大明四年年五歲封
歷陽王食邑二千戶五年改封戶邑如先

新安王子鸞字孝羽孝武第八子大明四年年五歲封
襄陽王食邑二千戶其年改封戶邑如先

永嘉王子仁字孝蘇孝武第九子大明五年年五歲封
食邑二千戶

始安王子真字孝貞孝武第十一子大明五年年五歲
封食邑二千戶

邵陵王子元字孝善孝武第十三子大明六年年五歲
封食邑二千戶

淮南王子孟字孝光孝武第十六子大明七年年六歲
封食邑二千戶文帝改豫章之南梁郡為淮南國罷南

豫州之地并宣城前廢帝即位二郡並復舊

晉陵孝王子雲字孝舉孝武第十九子大明六年年四
歲封食邑二千戶未拜薨

南海哀王子師字孝友孝武第二十二子大明七年年
四歲封食邑一千戶

晉熙王燮明帝子泰始六年封

邵陵殤王友明帝第七子元徽二年年五歲封食邑二
千戶

武陵王贊字仲敷明帝第九子泰始六年生其年詔曰
世祖孝武皇帝雖恃尊墮惠勲挾政弛樂飲無厭事因
於寧泰任威縱費義緣於務寡故以積愁動天流殃息
嗣景和肇釁義嘉成禍世祖繼體陷憲無遺昔皇家中
圯含生懼滅賴英孝感奮掃雪寃耻勲績敷歷拯茲窮
氓繼絕追遠禮訓攸尚况既帝且兄而缺斯典今以第
九子智隨奉世祖為子武陵郡大明之世事均代邦可
封智隨武陵王食邑五千戶尋世祖一門女累不少既

無釐摠義須防閑諸侯雖不得祖稱天子而事有一家之切且歸寧有所疹疾相營得失是任閨房有稟朕應天在位思深九族庶此足申追睦之懷敷愛之旨

隨陽王翹字仲儀明帝第十子元徽四年年六歲封南陽王食邑二千戶昇明二年以南陽荒遠改封隨陽

新興王嵩字仲岳明帝第十一子元徽四年年六歲封食邑二千戶

始建王禧字仲安明帝第十三子元徽四年年五歲封

食邑二千戶

始平王延年建平王景素子泰始二年封新安王三年改封始平

廬陵王德副桂陽王休範第二子泰始三年封

南郡王銑侍中韞第二子泰始三年封

江夏王伯獻建安王休仁第二子泰始三年封

始平王延之長沙王纂子泰始五年封

南平王宣曜晉平王休祐子泰始五年封

南齊豫章王嶷太祖第二子建元元年封

嶷十六子子廣初封永新

侯後襲王爵子恪南康侯子操泉陵侯子行兆陽侯子光宜陽侯子範祁陽侯子顯寧都侯子雲新浦侯餘闕

臨川王映太祖第三子建元元年封

凡九子皆封侯內第二子游封州侯

闕餘

長沙王晃太祖第四子建元元年封

武陵王暕太祖第五子建元元年封

暕子坦永泰元年封衡陽王

安城王暕太祖第六子建元元年封

鄱陽王鏘太祖第七子建元元年封

桂陽王鐔太祖第八子建元元年封

始興王鑑太祖第十子建元元年封廣興王後國隨郡

改名

江夏王鋒太祖第十一子建元三年封

南平王銳太祖第十五子永明元年封

宜都王鏗太祖第十六子永明元年封

晉熙王鈔太祖第十八子永明四年封

河都王鈗太祖第十九子永明四年封

安陸侯緬太祖次兄始安貞王道生第三子建元元年封安陸侯食邑千戶

江陵公寶覽緬子建武元年封邑一千五百戶

霄城公寶宏緬子建武元年封汝南公邑一千五百戶
三年改封

曲江公遙欣緬兄鳳子建武元年封聞喜縣公遷荊州
刺史改封

遙欣弟豐城縣公遙昌建武元年封千五百戶

新吳縣侯景先太祖從子建武元年封新吳縣伯邑五百戶武帝即位進爵為侯

南豐伯赤斧太祖從祖弟宋末封永安亭侯食邑三百七十戶武帝親遇與景先相比封南豐縣伯邑四百戶衡陽郡公謀於太祖為絕服族子宋昇明中為武帝中軍刑獄參軍東莞太守以勲勤封安復縣男三百戶海陵王立進爵為公建武元年進爵衡陽郡公

臨汝縣公坦之太祖絕服族子隆昌元年追錄父勲封

臨汝縣男建武元年進爵為侯假節討始安王遙光平
進爵為公

巴陵王昭秀文惠太子長懋第三子永明中封曲江公
邑千五百戶鬱林即位封臨海郡王二千戶建武二年
通直常侍庾曇隆啓曰周定維邑天子置畿內之民漢
都咸陽三輔為社稷之衛中晉南遷事移威弛近郡名
邦多有國食宋武創業依擬古典神州部內不復別封
而孝武末年分樹寵子苟申私愛有乖訓典惟隆昌之

元特開母弟之貴竊謂自古聖明御寓禮舊為先畿內
限斷宜遵昔制賜第授土一出於外州詔付尚書詳議
其後改封昭秀為巴陵王

桂陽王昭粲太子第四子鬱林王立封永嘉郡王建武
二年改封桂陽王

竟陵王子良武帝第二子建元元年封聞喜縣公邑千
五百戶武帝即位封竟陵王邑二千戶

廬陵王子卿武帝第三子建元元年封臨汝縣公千五

百戶武帝即位封廬陵王

巴東郡侯子響武帝第四子初豫章王嶷養為後永明

六年有司奏子響體自聖明出繼宗國大司馬臣

時嶷為大

司馬在昔未有嗣息所以因心鞠養陛下弘天倫之愛臣

嶷深猶子之恩遂乃繼體扶疎世祚垂改第蔣蒼蔚冢

嗣莫移誠欣敦睦之風實虧立嫡之教臣等參議子響

宜還本乃封巴東郡王

安陸王子敬武帝第五子初封應城縣公武帝即位封

安陸王

晉安王子懋武帝第七子初封江陵公武帝即位封晉安王

隨郡王子隆武帝第八子初封枝江公武帝即位封隨郡王

建平王子真武帝第九子武帝即位封

西陽王子明武帝第十子永明元年封武昌王三年失國璽改封西陽王

南海王子罕武帝第十一子永明元年封

巴陵王子倫武帝第十三子永明二年封

邵陵王子貞武帝第十四子永明四年封

臨賀王子岳武帝第十六子永明七年封

西陽王子文武帝第十七子永明七年封蜀郡王建武

中改封西陽王

衡陽王子峻武帝第十八子永明七年封廣漢王建武

中改封衡陽王

南康王子琳武帝第十九子永明七年封宣成王明年改南康王

永安王子珉武帝第二十子永明七年封義安王後改

永安

安一作陽

湘東王子建武帝第二十一子永明八年封

南郡王子夏武帝第二十三子

臣欽若等曰以後無封建年月者史闕

晉安王寶義明帝長子建武元年封

江夏王寶玄明帝第三子建武元年封

廬陵王寶源明帝第五子建武元年封

鄱陽王寶寅明帝第六子建武初封建安郡王和帝立
宣德太后臨朝梁玉為建安公改封寶寅為鄱陽王

邵陵王寶攸明帝第九子建武元年封南平郡王二年
改封邵陵王

晉熙王寶嵩明帝第十子

桂陽王寶貞明帝第十一子

梁臨川靜惠王宏太祖第六子也武帝踐祚天監元年

封臨川郡王食邑二千戶

宏子正義平樂侯正德西豐侯後封臨賀郡王正則樂山

侯正立羅平侯正表封山侯正信武化侯

安成王秀太祖第七子天監元年封食邑二千戶

南平王偉太祖第八子天監元年封建安郡食邑二千

戶十七年以建安土瘠改封

鄱陽王恢太祖第九子天監元年封食邑二千戶

始興王憺太祖第十子天監元年封食邑二千戶

西昌縣侯藻武帝長兄懿子天監元年封食邑五千戶

吳平縣侯景武帝從父弟天監元年封食千戶

景弟湘陰侯昂大通二年封邑一千戶

豫章王綜武帝第二子天監三年封邑三千戶

南康王績武帝第四子天監八年封邑二千戶

廬陵王續武帝第五子天監八年封邑二千戶

邵陵王綸武帝第六子天監十三年封邑二千戶

綸子汝南

侯堅大通元年封邑五百戶堅弟永安侯確大通二年封為正階侯邑五百戶後徙封永安

武陵王紀武帝第八子天監十三年封邑二千戶

河東王譽字重孫昭明太子統第二子普通二年封枝
江縣公大通三年改封邑二千戶

武昌郡王警昭明太子子大同三年封

義陽郡王警昭明太子子大同三年封

豫章郡王懼昭明太子子初封華容公中大通三年改
封

潯陽王大心簡文帝第二子中大通四年以皇孫封當
陽公邑千五百戶大寶元年改封邑二千戶

臨川王大款簡文帝三子初封江夏郡王大寶元年改封

南海王大臨文帝第四子大通二年封寧國縣公邑一千五百戶大寶元年改封邑二千戶

南郡王大連簡文帝第五子大通二年封臨城縣公邑一千五百戶大寶元年改封邑二千戶

安陸王大春簡文帝第六子大同六年封西豐縣公邑一千五百戶大寶元年改封邑二千戶

桂陽王大成簡文帝第八子即位初封山陽郡王大寶元年改封

汝南王大封簡文帝第九子即位初封宜都郡王大寶元年改封

瀏陽王大雅簡文帝第十二子大通九年封邑一千五百戶

新興王大莊簡文帝第十三子大通九年封高唐縣公邑一千五百戶大寶元年封邑二千戶

西陽王大鈞簡文第十四子大寶元年封邑二千戶

武寧王大威簡文第十五子大寶元年封邑二千戶

建平王大球簡文第十七子大寶元年封邑二千戶

義安王大昕簡文第十八子大寶元年封邑二千戶

綏建王大摯簡文第十九子大寶元年封邑二千戶

樂梁王大圜簡文第二十子大寶元年封邑二千戶

始安王方畧元帝第十子承聖元年封

陳永修縣侯擬高祖疎屬也高祖踐祚與鍾陵侯褒等

十人同封詔曰維城宗子實固有周盤石懿親用隆大漢故會盟則異姓為後啟土則非劉勿王所以糾合枝幹廣樹藩屏前王懋典列代常規從子持節員外散騎常侍明威將軍雍州刺史監南徐州擬持節通直散騎侍郎貞威將軍北徐州刺史褒從子晃從孫焯假節員外散騎常侍明威將軍諄假節信威將軍北徐州刺史吉陽縣開國侯誼假節通直散騎常侍郎信武將軍祐假節散騎侍郎雄信將軍青州刺史廣梁太守詳貞威

將軍通直散騎侍郎惠紀敬雅恭泰並枝戚密近劬勞
王室宜列河山以光封建擬可永修縣開國侯褒鍾陵
縣開國侯晃建城縣開國侯炤上饒縣開國侯諳度化
縣開國侯諠仍前封祐豫章縣開國侯詳遂興縣開國
侯惠紀宜黃縣開國侯敬雅寧都縣開國侯恭泰平固
縣開國侯各五百戶

衡陽獻王昌高祖第六子梁元帝除員外散騎常侍荆
州陷與宣帝俱還關右高祖即位頻遣使請宣帝及昌

周人許之是時王琳梗於中流昌未得還居於安睦王
琳平後天嘉元年二月昌發自睦繇魯山濟江而巴陵
王蕭沈等率百寮上表曰臣聞宗子維城隆周之懋軌
封建藩屏有漢之弘規是以卜世斯永實資邢衛鼎命
靈長實賴河楚伏惟陛下神猷光天聖德欽明道高日
月德侔造化往者王業惟始天步方艱參奉權謀糾合
義烈威畧外舉神武內定故以再康禹迹大庇生民者
矣及聖武升遐王師遠次皇嗣憂隔繼業靡歸宗祧危

殆綴旒非踰既而傳車言反公卿定策纂我洪基光昭
景運民心有奉園寢克寧后來其蘇復在茲日物情天
意皎然可求王琳逆命逋誅歲久今者連結犬羊乘流
縱釁舟旗野陣繇江蔽陸兵疲民困杼軸用空中外騷
然藩籬固固乃旰食當朝憑流授律蒼兕既馳長蛇自
翦廓清四表澄滌八紘雄圖遐舉仁聲遠暢德化所覃
風行草偃故以功深於微禹道大於惟堯豈直社稷用
寧斯乃黔黎是賴第六皇弟昌近以眇年出質提絜寇

手偏隔關徼旋踵末繇陛下天倫之愛既深克讓之懷
常切伏以大德無私至公有在豈得徇匹夫之常情忘
王業之大計憲章故實式遵典禮欽若姬漢建樹賢戚
湘中地維形勢控帶川阜扞城之寄匪親勿居宜啓服
衡疑兼崇徽節臣等參議以昌為使持節散騎常侍都
督湘州諸軍事驃騎將軍湘州刺史衡陽郡王邑五千
戶加給皂輪三望車後部鼓吹一部班劔二十人啓可
奉行詔曰可

鄱陽王伯山文帝第三子初高祖時天下草創諸王授封儀注多闕及伯山受封文帝欲重其事天嘉元年七月丙辰尚書八座奏曰臣聞本枝惟允宗周之業以弘磐石既建皇漢之基斯遠故能協宣五運規範百王式固靈根克隆卜世第三皇子伯山發睿德於韶年表岐姿於昔日光照丹掖暉映青闈而玉圭未秉金錫靡駕豈所以敦序維翰建樹藩戚臣等參議宜封鄱陽郡王詔曰可乃遣散騎常侍度支尚書蕭睿持節兼太宰告

於太廟又遣五兵尚書王質持節兼太宰告於太社其年
十月帝臨軒策命之策訖勅令王公已下並醮於玉第
新安王伯固文帝第五子天嘉六年封邑二千戶

晉安王伯恭文帝第六子天嘉六年封

廬陵王伯仁文帝第八子天嘉六年封

子蕃後封
湘濱侯

江夏王伯義文帝第九子天嘉六年封

子元箕封
湘潭侯

武陵王伯禮文帝第十子天嘉六年封

永陽王伯智文帝第十二子大建中封

桂陽王伯謀文帝第十三子大建中封

豫章王叔英宣帝第三子文帝封建安侯大建元年改封

長沙王叔堅宣帝第四子文帝封豐城侯大建元年改

封

建安王叔卿宣帝第五子大建四年封

宜都王叔明宣帝第六子大建五年封

河東王叔獻宣帝第九子大建五年封

新蔡王叔齊宣帝第十一子大建七年封

晉熙王叔文宣帝第十二子大建七年封

淮南王叔彪宣帝第十三子大建八年封

始興王叔重宣帝第十四子後主即位初封

潯陽王叔儼宣帝第十五子後主即位初封

岳陽王叔慎宣帝第十六子大建十四年封

義陽王叔達宣帝第十七子大建十四年封

巴山王叔雄宣帝第十八子大建十四年封

武昌王叔虞宣帝第十九子大建十四年封

湘東王叔平宣帝第二十子至德元年封

臨賀王叔教宣帝第二十一子至德元年封

陽山王叔宣宣帝第二十二子至德元年封

西陽王叔穆宣帝第二十三子至德元年封

南安王叔儉宣帝第二十四子至德元年封

南郡王叔澄宣帝第二十五子至德元年封

沅陵王叔興宣帝第二十六子至德元年封

岳山王叔韶宣帝第二十七子至德元年封

新興王叔純宣帝第二十八子至德元年封

巴東王叔謨宣帝第二十九子至德四年封

臨江王叔顯宣帝第三十子至德四年封

新會王叔坦宣帝第三十一子至德四年封

新寧王叔隆宣帝第三十二子至德四年封

新昌王叔榮宣帝第三十三子禎明二年封立為新昌

王

太原王叔匡宣帝第三十四子禎明二年封臨汝縣侯

方慶高祖弟南康忠壯王休先之孫天嘉中封

吳興王胤後主長子宣帝大建十年封為永康公後主
即位立為皇太子禎明二年廢封

南平王嶷後主第二子至德元年封

永嘉王彥後主第三子至德元年封

南海王虔後主第五子至德元年封

信義王祗後主第六子至德元年封

邵陵王兢後主第七子至德元年封

會稽王莊後主第八子至德元年封

東陽王恠後主第九子禎明二年封邑一千戶

吳郡王蕃後主第十子禎明二年封

錢唐王恬後主第十一子禎明二年封

後魏文安公泥國之疎族也道武厚遇之特封

泥子屈明元時

屈門下出納詔命封元城侯屈子磨渾少為明元所知封長沙公

上谷公紇羅神元帝曾孫道武即帝位以援立功與弟

建同日賜爵為公

子題封襄城王

建德公嬰文真定侯陸並明元後並仕太武時獲封爵
武陵侯因章帝後從道武平原以功封曲逆侯太武
時改爵

長樂王壽章帝後太武時位選部尚書封南安王後改
封

望都公頽昭帝後隨道武平原賜爵望都侯太武時
進爵為公

曲陽侯素延桓帝後以小年從道武征討賜爵

順陽公郁桓帝後文成時位殿中尚書賜爵

宜都王晨桓帝後文成時為尚書左僕射封南平公獻
文傳位有定策勲孝文即位封

襄邑子陵平文帝後太武賜爵襄邑男進爵為子

華山王鷲平文帝後孝文末以軍功賜爵晉陽男永初
封

松滋侯度平文帝後道武初賜爵

度孫上黨王天穆莊帝踐祚除太尉封上黨後增封通

前三萬戶元顥乘虛陷雒陽莊帝還宮增邑通前七萬戶

西河公敷文帝曾孫也太武時賜爵

樂成侯與都烈帝之裔文成時為河間太守爵賜樂成子獻文初以子丕貴重進爵

興都子東陽王丕太武時賜爵興平子獻文即位為侍中丞相乙渾謀反丕以奏聞詔收誅之改封東陽公孝文時封東陽王後例降王爵封平陽郡公後詔以平陽

畿甸改封新興公子雋邕並有軍功雋封新安縣男邕封涇縣男

淮陵侯大頭烈帝曾孫文成初封

河間公齊烈帝玄孫大武時賜爵浮陽侯從征和龍以功進爵為公後坐事免官爵後為前將軍尅仇池威振

羗氏復賜爵河間公

齊子蘭孝文初賜爵建陽子蘭子志孝明封建忠伯

扶風公處貞烈帝之後少以壯烈聞位殿中尚書

吉陽男地干道武族弟以司衛監討白澗丁零有功封

江夏公呂道武族弟也以軍功封

衛王儀道武兄秦王翰子道武奔賀蘭部侍從出入登國初賜爵九原公後改封平原公又徙封東平公從平中山進封衛王儀子中山王纂太武踐位封中山公進爵為王

纂弟新蔡公幹從太武南巡賜爵

幹子沛郡公禎孝武初賜爵

陰平王烈衛王儀弟元紹之逆烈迎立明元以功進爵

陰平王

常山王遵道武兄壽鳩之子道武初有佐命勲賜爵雒陽公後封常山王

遵孫暨陽子可悉陵從太武平涼州殺沮渠茂處一驍將帝壯之即日拜都幢將賜爵

可悉陵弟城陽公忠孝文時賜爵忠弟德封河間公德弟贊為司州刺史封上谷侯

陳留公虔道武兄紇根之子登國初賜爵陳留公虔兄

蒲城侯顓從道武平中山以功賜爵

毗陵王順紇根弟地干之子登國初賜爵南安公及道武討中山留順守京師栢肆之敗軍人有亡歸者言大軍奔散不知帝所在順聞之欲自立納莫題諫乃止時賀力眷等聚眾作亂於陰館順討之不克乃從留宮自白登南入繁峙故城阻灑水為固以寧人心道武善之進封為王

遼西公意烈地干弟力貞之子道武平中原意烈力戰

獲勲賜爵

意烈弟勃以勲封彭城公

意烈弟武遂子伎干明元踐祚賜勲

陽豐公庫汗力貞曾孫為羽林中郎將文成起景穆廟
賜爵陽豐侯獻文即位復造文成廟拜殿中給事進爵
為公

清河王紹道武子天興六年封

平陽王熙道武子天興六年封

熙曾孫均封安康縣伯均二子忻為東阿侯禹

為鄆城縣伯

河南王曜道武子天興六年封

河間王修道武子天賜四年封

長樂王處文道武子天賜四年封

廣平王連道武子天賜四年封

京兆王黎道武子天賜四年封

樂平王丕明元子泰常七年封

安定王彌明元子泰常七年封

樂安王範明元子泰常七年封

永昌王健明元子泰常七年封

建寧王崇明元子泰常七年封

晉王伏羅太武子真君三年封

東平王翰太武子真君三年封秦王後改封

臨淮王譚太武子真君三年封燕王後改封

廣陽王建太武子真君三年封楚王後改封

南安王余太武子真君三年封吳王後改封

陽平王新成景穆帝子大安三年封

新成子衍
封廣安侯

京兆王子推景穆帝子大安五年封

子推子暹從孝文南征賜爵饒陽男

孫暹莊帝時為南兗州刺史元
顥入暹據州不屈封汝陽王

濟陰王小新成景穆子和平二年封

汝陰王天賜景穆子和平三年封

天賜子沂封東燕縣男

樂良王萬壽景穆子和平三年封

廣平王維侯景穆子和平三年封

任城王雲景穆子和平五年封

高平縣侯嵩任城王澄子從孝文南伐嵩勇冠三軍孝

文大悅而言曰任城康王大有福德文武出其門以功
賜爵高平縣侯

南安王禎景穆子皇興二年封

禎子英宣武正始元年封中山王禎孫畧孝明

時封東平王肅莊
帝時封魯郡王

城陽王長壽景穆帝子皇興二年封

長壽孫顯恭以軍功封平陽縣子旭

莊帝時封
襄城郡王

安定王休景穆帝子皇興二年封及開建五等食邑二

千戶

休子貴平莊帝初封東萊王
孫長壽武定初封南郡王

安樂王長樂文成第二子皇興四年封建昌王後改封

曾孫奕出帝時

封潁川郡王

廣川王畧文成子延興二年封

齊郡王簡文成子太和五年封

安豐王猛字秀烈文成子太和五年封

咸陽王禧獻文帝子太和九年封後孝文詔以禧元弟

之重食邑二千戶自餘五王皆食邑二千戶

禧子永初封琅邪縣

開國公邑五百戶莊

帝初時封太原王

趙郡王幹獻文帝子太和九年封河南王孝文遷維改

封趙郡王

幹子諡初以親列封上蔡縣開國公食邑四百戶讓而不受莊帝初封魏郡王食邑一千

戶後復封趙郡王諡弟讓孝明時封平鄉縣開國男食邑二百戶

廣陵王羽獻文子也太和九年封及五等開建羽食渤

海之東邑二千戶

子忻孝莊初封沛郡王邑二千戶後改封淮陽王欣弟業普泰元年封高

密郡王邑

二千戶

高陽王雍獻文子太和九年封潁川王久之改封高陽

五等開建食邑二千戶靈太后增雍封一千戶

雍孫端封安德

縣公獻封濟北郡王誕封昌樂王勤文出帝初封陽平
縣亘封濮陽縣伏陀封武陽縣彌陀封新陽縣僧育封
頓丘縣居羅封衛國縣
並開國伯食邑四百戶

彭城王勰獻文子太和九年封始平王開建五等食邑
二千戶改封勰薨靈太后詔曰故太師彭城武宣王謙
光守約屢為增邑之賞辭多受少終保初錫之封可以
先後所封戶別封三子為縣公食邑各一千戶子直真

定縣公子正霸城縣公

子貞子剛莊帝初封浮陽王
剛弟質封林慮王邑各千戶

北海王詳獻文子太和九年封

詳子瑱初封平樂
縣公莊帝初進封

京兆王瑜孝文子太和二十一年封

清河王懌孝文子太和二十一年封

廣平王懷孝文子太和二十一年封

懷子誨孝宣二年封范陽王

汝南王悅孝文子景明四年封

悅孫綽天平二年封琅琊王

樂平王最昭成皇帝宗室從孝武入關封

沛郡王恕前廢帝子普泰元年封渤海王太昌元年改封

陳郡王暉常山郡王子興和元年封

宜陽王景植孝靜兄興和二年封

清河王威孝靜弟興和二年封

潁川王謙孝靜弟興和二年封



冊府元龜卷二百六十四